

MARGHEM ÈT LÈS CENTRALES.

Marghem, qui vout co fé durer saquants-anéyes
Lès centrales qui sont d'dja tortotes administréyes,
S'a r'trové tote pièrdeuwe quand l' frèd a sorvinu :
Pus nin on kulowat', gn-a pus nune qu'a ponu.
Si, su Doel èt Tîandje, èlle aclape dès rustines,
Èle ni risquéye nin d'dja d'atrapèr l' pus p'tite drine ;
Uker Électrabèl, ûler, man'cî Élia,
Sopliyî d' lî mèchner do courant au rèstia :
« Dji vos rembourséyerè après l' Tossint » di-st-èle
« C'èst l's-élections qu' sont là, si en cas, dj' vos l' rapèle ! »
Mins tot l' monde sét bin qu' c'èst nin là qu'i faut briber
Ou d'mander à pruster ç' qu'on n' saureut pus acheter.
« Qu'avez fait au bon tims ? » di-st-èle, Électrabèl.
– Dj'a mwinrné nosse payis ! Èt dj'enn'a yeû one bèle !
–Pusqui v's-avez mostré qu' vos mwinrnîz bin l' payis,
Gn-a pus qu' pédaler po fé l' courant, ç' côp ci ! »

Albert Delvaux